

開放文學 – 神鬼仙俠 – 東遊記 四九 洞賓二敗太子

卻說仙友見採和、洞賓皆至，欣喜無限。惟採和涕淚潛然。眾問曰：“汝何故被擒？”採和曰：“適因玉板光燄，照耀龍王宮殿，被太子摩揭逞強，率眾從下奪之，擒我囚於幽室，無路可脫。今幸呂兄燒海，龍王驚覺，如今放還。玉板留在龍宮，不能得出。自採和忝在仙班，只道逍遙自在，不意今日無故被擒，受盡恥辱，伏望眾友為我復仇！”言訖大哭。眾仙皆怒。鐵拐曰：“水族小妖，何得如此無禮？眾友不必用力，只憑我這葫蘆，燒乾其海取之，不愁不得玉板也。”果老曰：“目待洞賓再往索取一遍。如其不還，燒之未遲。”洞賓乃同仙姑再往，大聲索取。夜叉又報之太子。太子曰：“此子又來，前者出言無狀，且燒吾海。父王不合放還其人。今復來此取寶，如此大膽，我便點兵擒之。”即令蝦兵蟹將十員，一齊上岸，來擒洞賓。洞賓與戰數合，太子敗走海中。仙姑把竹罩放海中罩住，太子走不能脫。復鼓勇向前來戰。洞賓大喝一聲，將劍望空一擲，正中太子頭額而死。蝦兵蟹將逃奔，又被仙姑罩住，斬首無數。敗兵報知龍王，言太子被殺。龍王大驚，急令二太子點兵點將鳴鼓來戰。仙姑、洞賓向前挺身力鬥。忽太子把槍一招，海中兵將四面圍裹將來，把洞賓、仙姑皆圍在垓心，一時衝突不出，洞賓著急，忙取飛劍望空擲去，化作千百萬把，從上飛落，殺得四面圍兵，鮮血淋漓，死者無數。二人衝出陣前，正遇二太子挺槍縱馬來到，洞賓拔劍一揮，斷其左臂，太子負痛逃入海中，餘兵俱皆逃命。洞賓、仙姑亦自退去。彼時龍王正在探聽消息，忽見太子斷去其臂，奔回大叫一聲，昏絕於地。左右扶起，半晌言曰：“可恨洞賓損吾二子，今吾切齒痛心，若不報復此仇，枉居王位！”乃即傳令，盡起海中十萬精兵，親自督戰，掃除仙黨，以報二子之仇。令出，乃自披掛點兵去了。